

KUWALA KWAKUKURU

 Phunziro langa mmawa uno likupezeka mu Chipangano Chatsopano. Poyamba padzakhala kuwerenga kwa Lemba kuchokera ku Mateyu wa 1...mutu wa 2, kuyambira ndime ya 1. Ndipo kenako ine ndikufuna kuti nditenge, ngati phunziro, kuchokera mu mutu wa 4, ndi ndime za 14 ndi 15. Ine ndimakonda kuwerenga Mawu, chifukwa Mawu ndi Mulungu.

Tsopano pamene Yesu anabadwa mu Betelehemu wa Yudeya mmasiku a Herodi mfumu, taonani, anadza anzeru a kummawa ku Yerusalem,

Akuti, Ali kuti yemwe wabadwa ali Mfumu ya Ayuda? pakuti ife tinawona nyenyezi yake kummawa, ndipo tabuvera kudzamlambira iye.

² Ndiye mu mutu wa 4 ndi ndime ya 14, kulankhula zokhudza mneneri:

Kuti chikachitidwe chomwe chinanenedwa ndi Yesaya mneneri, kuti,

Dziko la Zebuloni, ndi dziko la Nafitali, njira ya kunyanja, kutsidya la Yordano, Galileya wa Amitundu;

Anthu omwe anakhala mu mdima anawona kuwala kwakukuru; ndi kwa iwo amene anakhala mzigawo za mithunzi ya imfa, kuwala kunawatulukira.

³ Ine ndikufuna kutenga phunziro langa kuchokera ku... monga ili: *Kuwala Kwakukuru*. Ndi Lemba losazolowereka kwambiri.

⁴ Ndipo, pa nthawi iyi, anthu kawirikawiri alalikirapo kwambiri pa "mulibe malo mnyumba ya alendo," nyengo ya chisangalalo, ndiponso "Yosefe ndi Mariya," ndi—ndi "kubadwa kwa Ambuye Yesu." Dzulo ine ndimaganiza kuti ine ndiyesera kufikapo mwanjira yosiyana, kuti ambiri a inu mukamvera wailesi yanu ndi matelevizioni.

⁵ Ndipo pamene ndinali kuganiza, ichi chinabwera mmalingaliro anga, za amagi ndi Nyenyezi. Ndipo chimene chinandikhudza ine chinali, chakuti, kodi amagi anali ndi chochita naye chiyani Khristu? Chotero, powerenga zolemba zochuluka za ophunzira amakedzana, usiku wapitawu, mochedwa, mpaka ine ndinagona pa tebulo, kuyesetsa kuti ndipeze chinachake chimene chikanakhoza kubweretsa kuwala pang'ono pa phunziro la lero.

⁶ Ndiye, ndi chinthu chosazolowereka kuyankhula za zinthu izi, chifukwa, kuwonjezera apo, Mulungu ndi wosazolowereka. Mulungu amachita zinthu mwanjira yosazolowereka, ndipo nthawizina pa nthawi yosazolowereka, chifukwa Iye ndi

wosazolowereka kwambiri. Ndipo iwo amene amamutumikira Iye ndi osazolowereka; iwo ndi anthu achirendo.

⁷ Chotero monga ife, nthawi ino ya nyengo, pamene ife tikuyang'anitsa maganizo athu ku Khrisimasi, ndizoyipa kwambiri kuti ife timaziyika izo ku nthano yotchedwa "Santa Claus," mmalo mwa Khrisimasi yeniyeni imene ikuyenera kukhalapo. Ana aang'ono ochuluka mu dzikoli lero sadziwa kalikonse kuposa kuti Khrisimasi imatanthawuza "ngolo yodzaza ndi zidole, ndi mphalapala zina zamatsenga zikugunda pa nyumba," kudzadziwa patsogolo chabe za nthano iyi; zimavulaza ngakhale chikhulupiriro chawo, zikafika podziwa nkhani yeniyeni ya Khrisimasi, kuti inalibe kanthu kochita ndi mphalapala, kapena munthu wosuta kaliwo, ndi ubweya wozungulira chikhotho chake.

⁸ Iko kunali kubadwa kwa Ambuye Yesu wathu wodala. Ndipo ndi chosazolowereka kwambiri kuwona momwe Mulungu anachitira motere, chifukwa palibe nthawi ina imene ikanagwirapo ntchito, mu mbiriakale yonse ya mdziko. Izo zinkayenera kukhala ndendende basi pa nthawi iyi. Ndipo tsopano kwa mphindi zochepa tiyeni tingoyang'ana pa nyengoyi.

⁹ Iyo inali nthawi yomwe Herode, wakuphayo, anali mfumu. Izo zinkayenera kukhala, munthu uyu wosaleza mtima ankayenera kukhala mfumu panthawiyo, pakuti ife timawadziwa bwino Malemba amene anati iye "ankapha ana onse kuyambira azaka ziwiri kumatsika," kuyesetsa kuti ampeze Khristu. Ndipo izo zinkayenera kukhala basi pa nthawi imeneyo.

¹⁰ Ndiyeno panayenera kukhala, pa nthawiyo, kuti ankayenera kukweza msonkho, kuti zikampangitse Mariya ndi Yosefe kuti abwerere kumudzi kwawo ku Betelehemu kumene iwo anali mu kaundula, ndipo zakubadwa kwawo zinali mu kaundula wa mmakhothi ndi mkachisi, kuti akakhometsedwe msonkho. Ndipo Khristu anali woti akabadwire mu Betelehemu, ndipo iwo anali mailosi ambiri kutali pamene izi zinkachitika.

¹¹ Ndipo taziwona zowopsya zomwe iwo anapyolamo, ndi cholinga chakuti akafike kumeneko. Tsopano iwo analibe ambulasi yabwino, yomangidwa bwino yoti amutengeremo Mariya kuti azipita kumeneko. Ndipo iwo analibe iyo monga lero, kuti ife tikanakhala ndi chowiringula chamtundu wina. Ilo linali lamulo la mfumu. Panalibe zowiringula zomwe zikanapangidwa. Izo zimayenera kukwaniritsidwa. "Mfumu yanena chomwecho!" Ziribe kanthu mmene iye analiri, kapena chiyani, iwo ayenera kubwerera ku dziko la kwawo. Panalibe zawofuwofu kwa mayi wamng'ono woyembekezerayo. Ndipo panalibe njira ya mayendedwe; kokha wapansi, kapena pa nsana wa bulu wamng'ono.

¹² Ndipo ife timawuzidwa kuti Yosefe ankamunyamula Mariya, mayi woyembekezera uyu nthawi iliyonse, ndi kudzamukhazika iye pa nsana wa bulu wamng'ono. Ndipo ngati wina aliyense anakwerapo bulu, akudziwa mabampu ake ngotani. Kamunthu kakang'onoko, kakuyenda mu kanjira kakang'ono kokhotakhota kukwera mapiri, kubwera ku Betelehemu, kuchokera kumusi kwa Yudea, msewu woyipa kwambiri ndi wokumbika. Nanga bwanji ngati bulu wamng'onyo akanakhala kuti mapazi ake ndi osadalirika, ndipo akanagwa ndi mayi woyembekezera wamng'onyu?

¹³ Kapena, mmasiku pamene kunali kuyenda kochuluka kubwera ku maiko a kwavo, dziko lonse limagwira ntchito, lotangwanika ndi amwendamnjira ndi apaulendo, akubwerera ku dziko la kwavo, zinali zabwino kwambiri kwa achifwamba mmasiku amenewo. Pamene iwo awona magulu ochepa a anthu a magareta; okwera, achifwamba amakhoza kukwera nawo momwemo ndi kuwapha iwo, ndi kutenga akatundu awo ndipo nkumathawa. Chinali chinthu chotani kwa anthu awiri awa ongokwatirana kumene, chimene iwo akanati adzakumane nacho, ndipo momwe zikanadzakhalira!

¹⁴ Ndiponso, bwanji ngati zina za zinyama zolusazo, zomwe uko kunali mikango ndi zambiri zowononga, nyama zakuthengo zimene zimayendayenda mzipululu zomwe iwo ankadutsamo. Bwanji ngati chirombo cholusa chikanamapita chaku kagulu kakang'onoko Yosefe akanachita chiyani ndi ndodo mdzanja lake, ndi mkazi amene samakhoza kuyenda nkomwe? Iwo anali oti akumane nazo zimenezo.

¹⁵ Koma izo zimatipatsa ife chitonthozo kudziwa ichi, kuti ife tiribe ulamuliro wa kumene tikupita. Mulungu amadziwa kumene tikupita. Ndipo Iye anazikonza izo kuti zidzakhale chomwecho, ndipo palibe chirichonse chimene chidzasokoneze dongosolo la Mulungu. Ife tiri woti tikafikako basi.

¹⁶ Ndipo sipamayenera kukhala mantha ayi. Ndipo komabe mwinamwake Mariya ndi Yosefe, iwoeni, anthu wamba chabe, osaphunzira. Ndipo iwo analibe njira yodziwira kuti zinthu izi, zimene zinali kuchitika pa nthawi imeneyo, zinali kukwaniritsa Malemba.

¹⁷ Ndipo ndi chimodzimodzi lero. Zinthu zikuchitika mu tsiku lomwe lino limene ife tikukhalamo, ndipo ambiri a ife sitikudziwa kalikonse za izo, momwe Mulungu akuyendera.

¹⁸ Ine ndinangofunsidwa ndi mmodzi mwa akazi ojambula mchipinda kuno, ndi liti limene ine ndidzayankhule pa phunziro lija, la cholembedwa, ndi a sputnik mu mlengalenga. "Kodi lidzakhala Lamlungu likudzali?"

Ine ndinati, "Ine sindikudziwa."

¹⁹ Koma, oh, kuwona mu nthawi ya mdima wokuta iyi, dzanja lalikulu la Mulungu likuyenda mosalekeza. Palibe chomwe chidzaliyimitse Ilo.

²⁰ Ndipo ife tikukhoza kuwona mmene izo zinkakhalira, lerolino, pamene bulu wamng'ono ndi apaulendo awiri potsiriza akufika. Pamene iwo ankabwera usiku, kudutsa zipululu, kunali kotentha kwambiri! Ndiyeno tiyeni tinene kuti iwo akhala pa phiri laling'ono kummawa kwa Betelehemu.

²¹ Betelehemu ali mchigwa, ndipo kuli kaphiri kakang'ono. Ndipo msewu umene umalowa mu Betelehemu, umakhota chakumimawa kwa Betelehemu, ndipo umalowa mu mzindawo. Pafupi ndi kona, pamene inu mumakhota kotsiriza, kuti muyambe kutsika phirilo, pali mulu wawukulu wa miyala yosongoka yomwe ili pamenepo. Ndipo zimaganizidwa ndi a za mbiriyakale kuti mwina Mariya ndi Yosefe anaima pamenepo kuti akokere mpweya pang'ono iwo asanatsikire mu mzinda usiku umenewo.

²² Tiyeni timuwone Yosefe, mu kagwiridwe kake kosamalitsa, akumunyamula mkwatibwi wake wamng'ono kuchokera pa bulu ndipo akumuthandizira iye kuti atsike, akumutenga iye ndipo akukamukhazika pansi pa mwala, ndipo anati, "Wokondedwa, mzinda wawung'onowo ndi umenewo, basi mmusi mwathumu, kumene mwina mlendo wathu wamng'ono akabadwireko."

²³ Ine ndikukhoza kulingalira powona nyenyezi zikungothwanima pang'ono ndi kumawala, pamene iwo anakhala nkumayang'ana ku Betelehemu, kwawo...kummawa kwa iwo. Ndipo pamene anakhala pamenepo, akudabwa pamene iwo amayang'ana pa nyenyezi; kutali, mahandiredi a mailosi kummawa kumeneko, apo panali chochitika china chikuchitika.

²⁴ Inu mukudziwa, Mulungu amagwira ntchito mu zammwamba Zake. Iye amapangitsa zinthu kuchitika mdziko lina, kumene Iye akuzipanga izo kuti ziwumbike, kuti izo zikakumane kwinako. Uko ife tikuwona, kutali komwe kummawa, monga momwe ife timawuzidwira ndi azambiriyakale ambiri, kuti anthu awa, amagi, monga ife timawadziwira iwo kuti anali.

²⁵ Lero iwo angakhale, mochuluka kapena mocheperapo, kutchedwa, "akasidi," osati mwa ganizo la a m'bwebwe; koma alipo akasidi onamizira, omwe amatchedwa a m'bwebwe. Ndipo anthu amathomangira kwa zinthu zimenezo, zomwe kwenikwensi ndi lingaliro labodza la mkasidi weniwensi.

²⁶ Hampton anatiuza ife, wa za mbiriyakale wotchuka, kuti anali... Iwo anali Amedi-o-Persia, akasidi amenewa. Tiyeni tiwufufuze moyo wawo pang'ono pokha. Ndipo ife tikupeza kuti Amedi-o-Persia anawudziwa Uthenga wa Ambuye wathu pamene anali uko mu Babeloni. Zaka zingapo mmbuyomo, mu nthawi ya Mfumu Nebukadinezara, iwo anali nawo anthu

oterewo monga akasidi, amene ankayang'ana nyenyezi ndi zinthu za mu mlengalenga. Ndipo iwo amakhoza kudziwa mwa zizindikiro ndi kayendededwe ka nyenyezi, za zochitika zina zoti zichitike.

²⁷ Ndipo mafumu a mmasiku oyambirira ankakawafunsa anthu monga amenewa kuti adziwe za zochitika ndi zinthu zomwe zinkati zidzachitike. Mulungu nthawizonse amafotokoza izo mwa matupi Ake a mmwamba Iye asanazizindikiritse izo kwa dziko lapansi. Mulungu amalemba izo mmiyamba.

²⁸ Ndipo nyenyezi yomwe ife timaiyang'ana, ndipo ife timaganiza za izo monga kagulu ka zinthu za makona faii mmiyamba, koma, chimene izo ziri, izo ndi maiko okulirapo kuposa awa, zikunyezimiritsa kuwala kwa dzuwa.

²⁹ Ndipo anthu amenewa ndithudi ankawudziwa Uthenga mzaka za ukapolo wa Israeli, wa zaka sevente mdziko la Akaldia, ndipo, ndithudi, Daniele pokhala anapangidwa kukhala mkulu wa amagi. Mneneri, mwa nzeru zake zopambana kudziwa matsiriziro a zinthu, ndi kudziwa chimene Mulungu akanati adzachite, ndipo iye ankatchedwa mfumu ya amagi. Ndipo amagi anali ndi zolemba zakale zomwe iwo ankafanizira kwa izo, za makolo awo aamakedzana. Ndipo Daniele akubweretsamo Zolemba za Ambuye.

³⁰ Ndipo koteri ife tikumvetsa kuti pa nthawi imeneyi iwo anali atachitira upo pamodzi mokwanira, ndipo iwo anali atawona luntha ndi mphamu yomwe Mulungu mmodzi woona amawonetsa, yomwe inali yapamwamba kuposa mkasidi aliyense kapena mmagi. Izo zinatsimikiziridwa usiku wa Mfumu Nebukadinezara... kapena kuvina kwa Beltesazara, kuti, panalibe aliyense wa Akaldia kapena akasidi amene ankakhoza kuwerenga cholembedwa pa khoma. Koma Daniele, kudzera mu Mzimu ndi mphamu ya Mulungu wamoyo, amakhoza kuchita zimenezo. Ndipo zolemba zake zinkasungidwa mopatulika, ndipo ziripo mpaka lero.

³¹ Tsopano ife timawatcha iwo, kummawa... Ine ndinali ndi mwayi woyankhula nawo iwo mu India. Ndipo iwo amatchedwa tsopano Achimuhamadi. Koma iwo anali kwenikweni Amedi-o-Persia. Amwenye amatchedwa... Ine ndikukhulupirira iwo amawatcha iwo odetsedwa. Ndipo Amedi-o-Persia ali kwenikweni Achimuhamadi. Ndipo iwo ndi amene poyamba anali ndi Mfumu Nebukadinezara. Ndipo aluntha awo opambana anali ophunzira amene amaphunzira—zinthu zachirengedwe, kuti akafotokoze zinthu zauzimu zomwe zinali zoti zidzachitike.

³² Chotero mu zaka mazana zazitali izi, ndi zolemba pamanja za ziphunzitso za Daniele, ndi zina zotero, iwo ankazisunga izo.

³³ Ndipo chimene iwo amachita, mu nthawi zojambirira za madzulo, iwo ankakwera mu Assay[?] Mapiri. Ndipo kumeneko

pamwamba apa iwo ankakhala ndi linga. Ndipo mu linga ili mumakhala linga la amagi. Ndipo iwo amakhoza kukhala ndi lawo la fujadous[?] phwando. Ndipo likatha phwando lo iwo ankatalukira pa madenga, kapena pa bwalo, ndipo kumeneko ku nsanja ina yoyang'anira pamene dzuwa limakhala litalowa. Ndipo monga Achimuhamadi nthawizonse amachitira, kugwadira dzuwa ndi kumafuula, "Allah! Allah!" Ndipo nthawi zambiri kumadzidalitsa okha ndi madzi opatulika, ndi zina zotero, ngakhale mpaka lero. Kawirikawiri, chinthu chawo chopatulika kwambiri, chinali moto. Iwo ankakhulupirira kuti Mulungu mmodzi woonayu amakhala mu moto.

³⁴ Ndipo ndi zodabwitsa bwanji kudziwa kuti Mulungu mmodzi woona ndi wamoyo amakhala mu Kuwala, ndipo Iye ndi Moto wonyeketsa.

³⁵ Momwe iwo ankayatsira moto wopatulikawo! Ndipo iwo ankawuyang'ana moto uwu, chifukwa iwo ankakhulupirira kuti Mulungu woona mmodzi amakhala mmoto uwu, ndipo Iye amadzinyezimirtsa Iyeyekha kwa iwo. Ndipo motowo unkayaka mowala kwambiri pamene ku—kuwala kwa dzuwa kumakhala kutalowa.

³⁶ Ndipo chotero iwo amakhoza kupita pa nsanja yowonera iyi, ndipo iwo amayang'ana mmwamba. Ndipo iwo anali ophunzitsidwa bwino. Ndipo iwo ankadziwa kusuntha kulikonse kwa gulu lalikulu la zakumwamba la nyenyezili. Iwo ankayang'anira mwatcheru kusuntha kulikonse.

³⁷ Oh, ngati Akhristu akanangomachita zimenezo! Osati kumayang'ana nyenyezi, koma kumayang'ana Mawu a Mulungu pamene Iwo akufutukuka. Ngati ife tikanangozindikira zimenezo lero, ndi kuwona momwe Mulungu walonjezera mu tsiku lino zinthu zimene ife tikuyima nazo mwamphamvu. Mulungu analonjeza kuti adzachita zinthu zimenezi, monga kuchiritsa odwala ndi kuchita zozizwitsa zazikulu.

³⁸ Daniele yemweyo amene anawaphunzitsa iwo za zochitikazo, ananena, kuti, "Mmasiku otsiriza antu amene amamudziwa Mulungu wawo adzachita zazikulu." Malemba amenewo ayenera kukwaniritsidwa. Ngati ife tikanangofufuza! Ndipo ngati inu mungazindikire, Mulungu amangodziulula Yekha kwa iwo amene amafufuza ndi kulakalaka kumuwona Iye. "Yandikirani pafupi kwa Ine, ndipo Ine ndidzayandikira kwa inu," atero Ambuye. Ndipo nthawizina Mulungu amazilola zinthu kuti zichitike ndicholinga chakuti ife tiyandikire kwa Iye. Pakuti Mulungu ndithu anakonzeratu kuti zochitika zina ziyanera zidzachitike, ndipo izo zidzafutukuka pamene nthawi ya koloko Yake yamphamvu idzafike pa zimenezo.

³⁹ Ndipo pamenepo, ife tidzanena, usiku winawake, phwando litatha kale, ndipo iwo anali atagwada ku kulowa kwa dzuwa, gulu lathu limakwera mu nsanja yoyang'anirapo iyi. Ndipo

pamene matupi opambana ammwamba ayamba kuwonekera mu mlengalenga, zolemba zakale kale zija, za aluntha, zimatulutsidwa. Ndipo zimafutukula, ndipo iwo ankayang'ana mmenemo, ndipo iwo ankati, oh, zinthu zina zomwe zinanenedweratu. Ndipo phunziro, mwinamwake, limapitirira nthawi yaitali, la kugwa kwakukuru kwa maufumu, ndi kugwa kwa maufumu awo aakulu, ndiponso momwe makhalidwe a miyoyo ya anthu, ndi nkondo, omwe anawononga dziko ndi kulisambitsa ilo ndi magazi a abwenzi awo. Ndipo monga anthu omwe ali auzimu amamvetsa zinthu zauzimu zokha; momwe kuti kufutukuka kwa masiku aakulu kunkapitira, ndi manyazi awo, pamene moto wopatulika unkayaka ukukwera kumapita mmwamba mpaka mu mlengalenga ndi kuzimirira, kuimirira Mulungu mmodzi woona ndi wamoyo.

⁴⁰ Ndipo pamene usiku umakula kumapitirira mpaka mu gawo lake lapakati, titi, teni koloko kapena leveni koloko, pamene wolandira alendo anali atakhala pamene nepo, mwina akuimba nyimbo zawo, kapena mwinamwake anali akupemphera. Ife sitikudziwa basi zomwe iwo ankachita, ndipo azambiriya kake samayankhula momveka bwino. Koma, komabe, iwo ayenera kuti anali mu lingaliro lauzimu, pakuti Mulungu amapembedza kumene kuli umodzi ndi mzimu.

⁴¹ Mulungu abwera kwa ife mmawa uno. Adzapulumutsa moyo wa mtsikana wamng'ono wokondedwa uyu, ndi ambiri a inu pano amene mwina mukufa ndi khansa ndi matenda ena, ngati ife tingakhoze kokha kulowa mu umodzi wauzimu ndi Mawu Ake ndi Iye. Mulungu adzadziulula Iyemwini. Iye nthawizonse amachita zimenezo.

⁴² Panjira yopita ku Emau, chitachitika chiwukitsiro, kunali kokha pamene Teofilo ndi bwenzi lake anayamba kuyankhula ndi Iye, ndipo Malemba anabwerezedwa, ndipo Mulungu mwa Khristu anadziulula Iyemwini kwa iwo. Ndipo kenako panjira akubwerera, iwo anati, "Kodi mitima yathu siinatenthe mkati mwathu pamene tinali kuyankhula ndi Iye panjira?" Chinachake chokhudza kuyankhula za Mawu!

⁴³ Ndipo mu zolemba zawo zakale, pamene iwo ankawerenga za amagi osiyanasiana amene anali atapita. Ndipo ine sindingathe kutchula Baibulo lawo pa nthawi iyi, kapena iwo anali atalitcha Zedakoah[?], chinachake mwa njira imeneyo, limene iwo ankawerenga ndi kumalozeranso mmbuyo ku zolembedwa izi za amuna awo opatalika. Ndipo momwe kuti ambiri a iwo anali opembedza mafano, ndipo anabweretsa manyazi ndi chitonzo kwa anthu, sindikukayika kuti amagi awa ankaweramitsa mitu yawo mwamanyazi. Koma, komabe, ndiye moto wopatulika ukuyaka, unkaimira Mulungu woona.

⁴⁴ Ndiye ine ndikukhoza kuwona akubwera kuchokera ku nyumba yachifumu, mmodzi ali ndi mpukutu mdzanja lake.

Ndipo iye akuwupereka iwo kwa aluntha ali chikhaliire pa nsanja yoyang'anirapo, akuyang'ana nyenyezi, ndi chirichonse chikuyenda mwangwiyo mu chiyanjano, monga izo zinkachitira usiku ndi usiku, monga momwe Mulungu anakonzera izo.

⁴⁵ Ndipo mkaati mmenemo, pamene iwo amayankhula za maufumu akugwa, iwo anawerenga gawo la Daniele, limene linati, "Ine ndinapenyerera mpaka mwala unadulidwa paphiri, wopanda manja, ndipo unakantha maufumu a dziko lapansi, iwo anakhala monga—monga mungu pa dwale lopunthira. Ndipo mwala waukulu uwu unakula kukhala phiri lomwe linaphimba dziko lonse lapansi. Ndipo ufumu Wake udzakhala ufumu wa nthawi za nthawi." Ziyembekezo zaho pameneopo zinayatsidwa mpaka nthawi yomwe maufumu adzathere kugwa, ndi pamene maufumu adzathere kuwonongedwa, pakuti kunali kudza ufumu wosatha woyikidwa ndi Mulungu mmodzi woona ndi wamoyo.

⁴⁶ Ndipo pamene iwo anali kulingalira pa zinthu zimenezi, pa Malemba, wina ayenera kuti anayang'ana mmwamba. Ndipo pameneopo panali mlendo pakati pavo. Iwo anawona Kuwala kumene iwo anali asanakuwonepo ndi kale lomwe. Iyo inali Nyenyezi yolemekezeza imene inali isanakhalepo, mpaka nthawi ino, kuti ndi yandani, kapena kuti siyinawonekerepo pamaso pa amagi. Koma apo iyo inalipo. Chifukwa chiyani? Malemba ayenera kukwaniritsidwa.

⁴⁷ Inu mukuti, ndiye, "M'bale Branham, kodi inu mukuganiza kuti Mulungu akanachita ndi amagi amenewo?"

⁴⁸ Baibulo linati, mu Ahebri mutu wa 1 ndi ndime ya 1, kuti, "Mulungu, nthawi zakale, mu njira zosiyanasiyana," mitundu yonse ya makhalidwe, "Iye ankayankhula kwa makolo."

⁴⁹ Zinaleembedwanso mu Machitidwe 10:35, kuti, "Mulungu salemekaiza munthu, koma Iye amachitira ulemu iwo, mu fuko lirilonse, amene amakhumba kumutumikira Iye mu chirungamo." Ngakhale inu mutakhala kuti mukulakwitsa, komabe, mu chirungamo cha—kuwonetsera kwa mtima wanu kuti mukufuna kumutumikira Mulungu, Mulungu adzalemekeza zimenezo. Chotero, potero, zipembedzo ziribe malire omwe izo zingakhoze kuyikapo, omwe angamuletse Mulungu ku kachikhulupiro kenakake kalikonse, chifukwa Mulungu adzayang'ana pa zolina za mtima wa munthu, ndipo pameneopo Iye adzagwira ntchito kuchokera pamalo amenewo.

⁵⁰ Ndipo ife tikupeza kuti amagi awa, owona mu mtima mwawo ndi kufunitsa kuti amuwone Mulungu mmodzi woonayo, ndi kuyang'anira ulosi Wake kuti ukwaniritsidwe, umene unanena kuti, "Ambuye adzamuukitsa Iye ndipo adzawupanga a... Ufumu wake sudzakhala ndi mathero. Iwo udzakhala ufumu wosatha."

⁵¹ Panali panthawi imeneyo pamene Nyenyezi, imene ife tikuidziwa lero yotchedwa Nyenyezi, inawonekera mu mlengalenga. Ine ndikukhoza kulingalira kuti amagi amenewo, ndi mtima umodzi, anayima opanda chonena pamene iwo ankayang'ana pa chochitika cha Nyenyezi yomwe inatsutsa malamulo a dongolosolo la zammwamba, ndipo inali itachoka ku kuwundana kwakukulu kwa matipi a mmwamba, kudzalengeza chinachake pamene icho chimakonzekera kuti chichitike.

⁵² Ine ndikuyembekeza pa mfundu iyi inu mukhoza kuwerenga pakati pa mizere ndikudziwa chimene ife tikutanthauza, kuti mu tsiku lino, Mulungu watsutsa chirichonse, kuti adzadziwonetsere Iyemwini, kuti Iye ndi wamoyo lero, wauka kwa akufa, mu Thupi Lake lopambana lakumwamba. Chithunzi apa cha Umunthu Wake chikhoza kunyoza wosapembedza aliyense mdzikio. Iye ndi moyo kwa nthawizonse. Mulungu amachita zinthu mwanjira Yake Yomwe, yosazolowereka.

⁵³ Koma, iwo anali atayang'ana kuwala kwa mmiyamba, koma Kuwala uku kunkawoneka kuti kunali kosiyana ndi kwina konse kwa iko.

⁵⁴ Ndipo ife tayang'anapo, lero, kuwala mu tchalitchi. Ife tawawona Amethodisti, Abaptisti, Achipentekoste, Apresbateria, kuwala.

⁵⁵ Koma kwa iwo amene akumuyembekezera Iye, zikuwoneka kuti pali Kuwala kosiyana kwayamba kuwala, komwe kukumuwonetsera Iye. "Iye ali yemweyo dzulo, lero, ndi kwanthawizonse." Mu kukongola Kwake kopambana ndi mphamvu, kwa Thupi lakumwamba limene latumizidwa mmawonekedwe a Mzimu Woyeria, mmasiku otsiriza ano kwa Mpingo, kudzalengeza mphamvu Yake ya chiukitsiro, ndipo Iye ali kwanthawizonse Kuwala Kwamuyaya komwe kulipo pakati pa okhulupirira Ake. Oh, ndi chopambana bwanji kuwona zimene Iye amachita!

⁵⁶ Ndipo pamenepo pamene iwo anayima, opanda choyankhula, mmodzi samakhoza kuyankhulana ndi mzake, pakuti ulemelero wa Kuwala uku unali utawapangisa kukhala opanda choyankhula.

⁵⁷ Oh, momwe izo ziriri lero, mzanga wosauka wolefuka, kuti pamene munthu amene sanayambe waidziwapo Mphamvu Yake, kuti iperekere Kuwala kwatsopano ndi kuperekira chiyembekezo chatsopano, pamene iye ayenda mu Kukhalapo kwa Umunthu Wauzimu wa Khristu, ndi chikhulupiriro chimene chimampangitsa iye kukhala wopanda choyankhula kwa ukulu Wake. Siziri ngati kupita kuguwa ndi kukampatса mtumiki dzanja lako lamanja, komanso siziri monga kupita mu dziwe kuti ukabatizidwe, kapena kuyima ndi chotungira kuti ukonkhedwe. Ndi kulowa mu Kuwala kumene iwe sunayambe wakuwonapo kale. Ndi nangula wa chikhulupiriro

Chauzimu chimene chimatcha chirichonse chotsutsana ndi Mawu a Mulungu ngati kuti panalibepo. Icho chimayika Moyo watsopano. Icho chimapereka chiyembekezo kwa akufa. Icho chimapereka chirimbikitso kwa ofooka. Icho chimapereka machiritso kwa odwala. Icho chimapereka madalitso kwa osakonderedwa. Ndi chodabwitsa bwanji kulowa mu Kuwala kwa Kukhalapo Kwake! Osati nthano. Komanso si chinachake chimene winawake wangokhala nacho mwathupi, mmalingaliro awo, chojambulidwa. Koma, izo zikubwera molunjika mu Kukhalapo kwa Mfumu ya Ulemelero, Kuwala Kwamuyaya kwa Mulungu wamoyo.

⁵⁸ Pamene chinachake chichitika, chimene chimazika chiyembekezo chimenecho mwa iwe, kuti ziribe kanthu kaya udwala chotani, pambuyo pake, ndi mwamtheradi kuti sikhawbwino kuti mdierekezi azyesera kukuyesani inu chirichonse chotsutsana. Icho chazikika kwanthawizonse. Ziribe kanthu momwe mdani angakupangitseni inu kuyesa kukhala ndi moyo wolakwika, ndinu okhazikika kwanthawizonse, pakuti inu munalowa mu Kukhalapo Kwake, munalowa mu Kuwala Kwauzimu komwe kunasinha munthu wanu wamkati ndipo kunaika belu lachimwemwe la chipulumutso, kumalira mu mtima mwanu, limene dziko silikudziwa kanthu za izo, kuti inu mwadutsa kuchokera ku imfa mwapita ku Moyo. Imfa ndi mithunzi yake yawuluka kuchoka kwa inu, ndipo inu mwadzakhala cholengedwa chatsopano pamene inu mwalowa mu Kuwala Kwauzimu uku.

⁵⁹ Pamene amagi amenewo anayima, opanda choyankhula, pamene iwo ankayang'ana Kuwala kuja, potsiriza ine ndikukhoza kumumva wina akunena kwa mzake, "Oh, kodi ichi si chizindikiro chopambana chakuti chinachake chatsala pang'ono kuti chichitike!"

⁶⁰ Zoonadi, lero, aponso, pamene ife tilowa mu Kukhalapo kwa Ambuye Yesu, ndi chizindikiro Chauzimu kuti chinachake chiri pafupi kuchitika; Kubwera Kwake kwachiwiri kwaulemelero kwayandikira.

⁶¹ Ndipo pamene iwo ankayang'anizana, wina ndi mzake, ndipo patapita kanthawi...Iwo anachiyang'ana Icho, mwinamwake, usiku wonse. Momwe Icho chimawalira! Chinkawoneka ngati chowala kuposa nyenyezi zina. Icho chinkawoneka ngati iwoakanakhoza kuchotsa maso awo pa Icho, kuti ayang'ane pa nyenyezi ina iliyonseyo.

⁶² Ndipo ine ndikutsimikiza, ngati ife titakuwona Kuwala Kwamuyaya kwakukuluko kukuwalira pa nkhope yathu, ife sitidzayang'ana pa zipembedzo zathu, kunena kuti, "Ndife Abaptisti, kapena ndife Apresbateria, kapena ndife Achipentekoste," kapena chirichonse chimene chingakhale. Ife

tingamangoyang'ana ku Kuwala, ndi kumakhala moyo. Iye ndiye Kuwala Kwamuyaya.

⁶³ Ndipo pamene iwo ankaiyang'ana Iyo, pamene duwa potsiriza linatulukira... Masana onse iwo ankagona. Ine ndawawonapo iwo atakhala pa misewu mu India, ndi miyendo yawo itapingasa, mitu yawo pamodzi; popeza iwo nthawi ya masana amagona, ndipo nthawi yausiku iwo amapita kukayang'ana nyenyezi, kukayang'anira kusuntha kulikonseko.

⁶⁴ Ndi okhawo amene akumuyembekezera Iye amene adzamuwone Iye. Ndi okhawo amene akukhulupirira mwa Iye amene adzasangalale ndi madalitso Ake. Ndi okhawo amene amakhulupirira machiritso ati adzalandire machiritso. Ndi okhawo amene amakhulupirira chipulumutso amene adzachipeze icho. Zinthu zonse ndi zotheka kwa iwo amene akhulupirira. Koma, poyamba, ilo lisangokhala lingaliro lojambulidwa mwachithupi. Ilo liyenera kukhala vumbulutso lolunjika lotumizidwa kuchokera kwa Mulungu yekha, ndiponso pamene ife tikuyang'ana.

⁶⁵ Ife tikupeza, usiku ndi usiku, iwo ankayiyang'ana Iyo. Iwo ankakambirana za Iyo. Iwo ankayang'ana pa Malemba, ndi kumafufuza. Ine ndikuwona wina akubwera, ndikuti, "Apa pali cholembedwa china cha Chihebri. Icho chikuchokera kwa mmodzi wa aneneri awo, dzina lake Balaamu. Ndipo iye anati, 'Kudzatuluka Nyenyezi kwa Yakobo.'" Ndipo iwo anawawona Malemba akukwaniritsidwa. Oh, momwe mitima yawo inasangalira!

⁶⁶ Ndipo momwe izo ziyenera kuti zinapangitsa mitima yathu kukondwera, kudziwa kuti mu tsiku loyipa lino limene ife tikukhalamo tsopano, kumawona Zolembedwa zoyerza za Mulungu zikukwaniritsidwa ndi kuwululidwa kwa ife ngati Kuwala kopambana kofufuza pa umunthu wathu.

⁶⁷ Ndiye, patapita kanthawi, pamene iwo ankayipenya Iyo, modabwitsa usiku wina Iyo inayamba kusuntha. Ndipo ife nthawizonse timayenda ndi Kuwala. Ndipo Kuwalako kunayamba kusunthira chakumadzulo. Mofulumira iwo analongeza ngamila zawo ndi chuma chawo chonse. Iwo anatenga mphatso. Ndipo ine ndikukhoza kuwawona iwo pamene iwo amayamba ulendo wawo, akutsatira Kuwala, pakuti iwo ankadziwa kuti icho chinali Chinthu Chakumwamba. Icho chinkayenera kunyezimiritsa Kuwala kwina kwakukuru.

⁶⁸ Chomwechonso lero, mzanga, pamene ife tiwona nyenyezi ikuwala, ife timadziwa kuti iyo ndi chinyezimiritsa cha duwa. Pamene ife tiwona mwezi ukuwala, ife timadziwa kuti iwo ndi chinyezimiritsa cha kuwala kwakukuru.

⁶⁹ Pamene ife tiuwona mpingo ukuwala, ife timadziwa kuti ndi chinyezimiritsa cha Kuwala kwakukuru, kwa chisavundi ndi Kuwala Kwamuyaya. Koma pamene ife tidzidetsa tokha, ndi

kutembenuza mitima yathu ndi kutembenuzira chikhulupiriro chathu kwina, ndi kuti, "Masiku a zozizwitsa anapita, ndipo kulibeko chinthu chotero chonga ngati izi panonso," ife tikutembenuzira misana yathu ku Kuwala Kwamuyaya kwa Mulungu.

⁷⁰ Ndipo pamene iwo anali kuyenda, ine ndikukhoza kuwawona iwo akusiya mapiri ndi kumapita kumatsitso a kumadzulo. Iwo ankatsatira matsitso mpaka ku Mtsinje wa Tigrisi, ndipo kumeneko iwo anakatsatira Tigrisi wamphamvu mpaka mmusi mpaka iwo anakafika ku Babeloni, anawoloka mtsinje wa Firate, mpaka mmusi, ndipo anazungulira maiko a Palestina. Akusangalala! Iwo ankyenda ndi usiku chifukwa kumakhala kozizirako usiku, kuti iwo ayende kudutsa mzipululu. Chinthu china chinali, nyenyezi zimawala mu mdima, koteri iwo ankyenera kutsatira Kuwalako. Ndipo Kuwalako kunali namulondola wawo.

⁷¹ Ndipo pamene iwo ankabwera chokwera, potsiriza Iko kunakafika ku Yerusalem. Koma, pamene Iko kunafika ku Yerusalem, Iko kunazima. Iko mwadzidzidzi kunazimirira pamene iwo anafika ku Yerusalem, chifukwa iyo inali nthawi yawo ndiye kuti awalitse Kuwala.

⁷² Ndipo kutsika kudutsa mmisewu yokhota ya mzinda wawukulu umenewo, kutsika kudutsa mmisewu ya likulu lamakedzana la dziko, pafupifupi, Yerusalem; nthawi ina unali mpando wa Melkizedeki wamkulu, kumene aneneri aamakedzana aakulu ndi alembi anali atalemba chomwecho za iwo. Koma mu moyo wawo waulesi, mwathupi, osokonekeramwatheka, opanda umulungu, Kuwala kwa Uthenga kunali kutazima.

⁷³ Ndipo apa panali Amitundu, mu mzinda wa Ayuda, akufuula, "Ali kuti Iye amene wabadwa Mfumu ya Ayuda? Pakuti ife taiwona nyenyezi Yake kummawa ndipo tabwera kuti tidzampembedze Iye." Ndi chochitika chokhudza bwanji cha tsiku lino, O Atate achifundo, pamene ife tiyang'ana ndi kulingalira! Ayuda anali akugona kufikira mpaka Amagi, Amitundu akummawa, anali atabwera kuchokera kumaiko akutali, anayenda kuti adzaipeze Mfumu ya Ayuda, ndipo iwo sanadziwe kanthu za izo.

⁷⁴ Lero, Mulungu watenga anthu osaphunzira, anyamata ndi atsikana omwe mwina alibe maphunziro opitirira galamala ku sukulu, anawukitsidwa ndi mphamu ya Mzimu Woyer, imene ikufuula mmakutu a mpingo, "Iye ali pano mu mphamu Yake yayikulu, kuti adzadzifutukule Yekha ndi kudzadzidziwitsa," ndipo mpingo sukudziwa kanthu za izo.

⁷⁵ Iwo anabwera kudzapereka ulemu. Iwo abwera kudzapereka ulemu kwa Mfumu ya mafumu. Ndipo mpingo, mu kugona kwake kwachipembedzo, sukudziwa kanthu za Iko. Iwo ndi

alendo. Motani, pamene zirombo zokondwa bwino izi, mu zoluka zakummawa zomwe zimalendewera pa izo, ndi ngayaye. Ndipo monga Philon ananenapo, "Iwo sanali mafumu, koma iwo anali—iwo anali otchuka mokwanira kuti akhale alendo olemekezeka a Mfumu." Ndipo apa iwo ali, akukhala pa nsana wa zinyama zolemekezeka izi, pamene iwo akudutsa mmisewu, akuti, "Ali kuti Iye amene wabadwa ali Mfumu ya Ayuda?" Baibulo linanena kuti, "Yerusalemu yense ndi Herode nayenso anasautsika." Umboni wawo unakondoweza chinachake.

⁷⁶ Kodi si zoipa kwambiri lero, kuti mpingo sungakhoze kuwuka kuchokera ku kupusa kwake kwa zochitika zake zaumulungu, kuwona mphamvu ya Khristu wamoyo, woukitsidwayo ndi ulemelero Wake; monga wosaphunzira, mbuli, kusuntha kwa zipembedzo zosiyanasiyana kukugunda pa dziko? Bwerani ndipo mudzawone Ulemelero wa Mulungu wamoyo. Mzimu Woyeru ukugwa monga Iwo unachitira pachiyambi. Malemba ayenera kukwaniritsidwa, ndipo ndi awa apa pa nthawi yotsiriza.

⁷⁷ Ndipo pamene amagi awa ankayendayenda mu msewu, iwo anakondoweza kuyambira kwa mfumu mpaka kwa wapakhomo, ndi uthenga uwu, "Ali kuti Iye? Iye ali pati?" Iwo analibe yankho.

⁷⁸ Ndipo, lero, pamene ma sputnik akusesa mu mlengalenga, pamene zizindikiro za chiwonongeko chonse zayandikira; pamene akazi ndi amuna akulowa mu tchimo ndi kukhala mu kusapembedza, anthu akumakuwa, "Izi zikutanthauza chiyani?" ndipo mpingo ulibe yankho. Iye wagona tulo.

⁷⁹ Koma Mzimu Woyeru, Kuwala kwachisavundi ndi Kwamuyaya kwa Mulungu, kuli pano kuti kudzawalire pa aliyense yemwe angafune ndipo akhoza kulandira Iko.

⁸⁰ Kuwala kunali kutapita. Iwo anali akupereka umboni wawo. Ndipo potsiriza iwo anaitanitsa Sanhedrin palimodzi, kuti akhale ndi msonkhano wa khonsolo. Ndipo aluntha ndi aneneri anabweramo, ndi mneneri wamng'ono, mneneri wamng'ono, dzina lake Mikaya, uneneri wake. Ndipo iwo anayiuza mfumu, "Kunalembewa, 'Iwe Betelehemu, kodi iwe siuli wamng'ono mwa akalonga onse amu Yudeya? Koma kuchokera mwa iwe mudzabwera Kazembe amene adzalamulire anthu Anga, Israeli.' Chotero, ayenera kukhala Betelehemu kumene Khristu ati adzabadwireko, Mfumu ya Ayuda."

⁸¹ Chabwino, panalibe amene akanawauza iwo momwe angakafikire ku Betelehemu. Koma iwo anayenda natuluka pa chipata, ndipo, pamene anatuluka mu mzinda wa mdima umenewo, Kuwala kunawonekera patsogolo pawo kachiwiri. Nyenyezi inawonekera. Ndipo Baibulo linati, "Iwo anakondwera ndi chisangalalo chachikulu zedi." Iwo ayenera kuti anafuula kwenikwensi pang'ono. Iwo anakondwera ndi chisangalalo chachikulu zedi. Iwo anadzidzimuka. Iwo...Nyenyezi inali

itawonekera kuti iwatsogolere iwo kumalo awo otsiriza a ulendo wawo.

⁸² Iwo anayitsatira Iyo. Tsopano iwo anaizindikira Iyo ikulendewera mmusi kuposa momwe Iyo inkachitira. Iyo ili pafupi pang'ono tsopano. Ndipo potsiriza monga . . . Iwo anapita patsogolo, akusangalala ndi kulemekeza Mulungu, kudutsa usiku wonse, akutsogozedwa ndi dzanja la Ambuye. Koma potsiriza Nyenyeziyo inadzafika ku khola laling'ono, limene linali malo aang'ono mmbali mwa phiri, mphanga, ndipo kumeneko Nyenyeziyo inadzatera pamwamba pa mphanga. Ndipo amagi amphamu awa, atayenda kuitirira chaka ndi miyezi sikisi pa ulendo wawo, ali pa njira, akuyenda, akuyang'ana, asakutsatira kanthu opanda mbali ina ayi koma Nyenyezi. Ndipo pamene Iyo inadzatera, iwo anakalowa ndipo mmenemo iwo anampeza Mwanayo, Yosefe ndi Mariya. Ndipo iwo anabweretsa mphatso kuchokera mthumba la chuma lawo. Iwo anapereka kwa Iye golide, lubano ndi mure.

Ngati ife tikanangokhala ndi nthawi! Tiyeni tiyime miniti.

⁸³ Kodi golideyo ankaimira chiyani? Iye anali Mfumu. Iye sanali woti apangidwa kukhala Mfumu; Iye anabadwa ali Mfumu. Iye anali Mfumu Yamuyaya ya Mulungu. Iye anali Mfumu, koteri iwo anapereka golide.

⁸⁴ Ndipo iwo anapereka lubano. Ndiwo mafuta onunkhira, odula kwambiri, abwino kwambiri omwe akanapezeka. Kodi lubano linkatanthauza chiyani, fungo lonunkhira? Iye anali fungo lonunkhira mokoma kwa Mulungu, pakuti Iye ankapita akuchiritsa odwala ndi kuchita zabwino. Golide, chifukwa Iye anali Mfumu. Lubano, chifukwa Iye anali fungo lonunkhira mokoma kwa Mulungu. Moyo Wake unamukondweretsa Iye kwambiri, mwakuti Mulungu anapumira mu chiyero Chake ndi kukongola, pakuti icho chinali chiyero Chake Chomwe chikunyezimiritsidwa mwa Iye.

⁸⁵ Oh, ngati tingakhoze kukhala fungo lonunkhira-mokoma, ngati chiyero cha Mulungu chingakhoze kunyezimiritsidwa mwa ife; mpaka ife kumapita uku ndi uku tikuchita zabwino, monga Yesu waku Nazareti, mpaka ilo kukhala fungo lonunkhira mokoma kwa Ambuye.

⁸⁶ Koma, ife timakangana, timatsutsana, timadyana, timakaikirana, ndi chifukwa chake izo zimakhala zonunkha mmphuno za Mulungu. Miyoyo yathu imakapezeka mmalo akale kumene ife sitienera kumakakkhalako. Ife timanena zinthu zomwe sitienera kumaziyanhula. Ife timachita zinthu zomwe sitienera kumachita. Ife timakangana ndi kumatenga mbali ndi dziko, ndi kumamukana Khristu mu nthawi zovuta kwambiri. Ndi chifukwa chake ife sitingakhale fungo lonunkhira mokoma.

Koma, Iye anali, ndipo amagi awa anapereka lubano.

⁸⁷ Tsopano iwo anampatsanso Iye mure, nayenso. Ndipo aliyense akudziwa kuti mure ndi zomera zodula kwambiri koma zakhambi. Mure, kodi mure ankaimira chiyani? Nsembe Yake yaikulu yapamwamba. Moyo Wake wophwanyidwa, wachinyamata, pa Kalvare, pamene machimo adzikò lapansi anamuperera Iye mzidutswa. Golide, chifukwa Mfumu. Lubano, za moyo Wake wokoma, wachikondi. Ndipo mure, chifukwa cha nsembe Yake ya ochimwa, yomwe Iye anaifera. “Kumeneko Iye anavulazidwa chifukwa cha zolakwa zathu, anatunduzidwa chifukwa cha mphulupulu zathu. Chilango cha mtendere wathu pa Iye, ndipo ndi mikwingwirima Yake ife tinachiritsidwa.” Ndi chifukwa chake iwo anampatsa Iye mure.

⁸⁸ Atachenjezedwa ndi Mulungu mu lo, iwo anapita njira ina. Sanabwerere mmbuyo, koma wawo—ulendo wawo unatsirizidwa. Nyenyezi inali itatsiriza ulendo Wake.

⁸⁹ Kodi Nyenyezi imatanthauza chiyani kwa ife, lero, mzanga? Daniele amatipatsa ife yankho, Daniele 12:3. Iwo anati, “Iwo amene ali anzeru nadziwa Mulungu wawo adzawala ngati thambo la kumwamba; ndipo iwo amene adzatembenzura ochuluka ku chirungamo adzawala ngati nyenyezi ku nthawi za nthawi.”

⁹⁰ Kodi ndife chiyani, lero, ndiye? Ife ndife nyenyezi. Mkhristu aliyense wobadwanso mwatsopano ndi umboni kwa Ambuye Yesu Khristu, nyenyezi yonyezimira mphamvu ndi chiyero cha Ambuye Yesu; kumuwonetsira Iye mu moyo wake; kukamupanga iye kukhala wangwiyo mu mayankhulidwe Ake, kukamupanga iye kukhala wangwiyo mu mphamvu Yake yochiritsa, kukamupanga iye kukhala wangwiyo mu chiwukitsiro Chake; kukamunyezimiritsa Iye mu njira iliyonse imene Iye ananyezimiritsidwira kwa ife ndi Mulungu Atate. Ife ndife nyenyezi.

⁹¹ Penyani! Kodi muyenera kukhala nyenyezi ya mtundu wanji? Nyenyezi iyi siinatsogoleredwe ndi mphamvu Yake yomwe. Inatsogozedwa ndi mphamvu zakumwamba za Mulungu Wamphamvuzonse. Ndipo ngati titi tidzanyezimirits konse ochimwa kwa Khristu, tiyenera kutsogozedwa ndi Mzimu Woyer. Aroma 8:1, akuti, “Chotero palibe tsopano kutsutsidwa kwa iwo amene ali mwa Khristu, amene samayenda mwathupi koma mwa Mzimu.” Ngati ife titi tidzakhale nyenyezi, kuti tikanyezimirits Kuwala kwa Khristu, kukabweretsa ochimwa kwa Iye, ife tiyenera kumatsogozedwa ndi Mzimu Woyer. Kulondola!

⁹² Ndipo ife sitingakhoze kukhala a wamba. Ife tiyenera kukhala osazolowereka. Ife sitingakhoze kukhala ozoloweleka, chifukwa anthu a Mulungu ndi anthu achilendo. Iwo akhala alipo, kudutsa mmibadwo.

⁹³ Ngakhale achilendo, komabe Nyenyeziyo inali yowala. Osati yowala mwa maphunziro a mdziko, zochitika za mdziko, koma yowala ngati nsembe pamaso pa Ambuye. Ife timadzilambatitsa tokha, monga amagi anachitira mu Kukhalapo kwa Mfumu ya mafumu, kukanyezimiritsa Kuwala Kwake.

⁹⁴ Ndinu nyenyezi. Mkhristu aliyense ndi nyenyezi, kuti ikatsogolere otayika, kuti ikatsogolere olema, phazi la wapaulendo, kwa iwo amene akufunafuna. Ndiye, nyenyeziyo siingadzitsogolere yokha, iyo iyenera kutsogozedwa ndi Mzimu. Iyo iyenera kunyezimiritsa nzeru za Mulungu mu moyo wake, kukachoka ku zinthu za mdziko, ndi kukakhala mwaumulungu ndi mwabwinobwino mmoyo uno. Iyo iyenera kunyezimiritsa Kuwala kwa Mmodzi wamkuluyo yemwe anawala.

⁹⁵ Ndiye ife tizichita chiyani? Kukadzuka, ndi kukanyezimiritsa Kuwala kwa Mulungu kwa wakufa. Mu mdima wakuya wa dziko lino, ife ndi akuti tizinyezimiritsa ndi kuwalitsa Kukhalapo kwa Ambuye Yesu mu mphamvu Yake ya chiwukitsiro. Monga Iye ali dzulo, chomwechonso Iye ali lero, kukamunyezimiritsa Iye.

⁹⁶ Koma kumbukirani, ndiye, Nyenyeziyo, kachiwiri, pamene iyo yatsiriza ulendo wake, iyo siimadzitengera ulemu. Nyenyezi inangowafikitsa amunawo kumalo awo, ndipo kuawonetsa iwo Kuwala kwangwioko.

⁹⁷ Ndipo ife, monga ziwalo za Thupi la Khristu, mmawa uno, amzanga, ndife nyali za Mulungu, koma ife sitimadzitengera ulemu kwa ifeeni. Pamene ife tikhala ndi chathu—chipiriro chathu, ndi wathu—wathu...munthu yemwe ife tikumutsogolera; pamene ife tiri nawo iwo, ife tiyenera kusadzipatsa ulemu tokha ndi kuwatsogolera iwo kwa “Kuwala kwakukuru ndi kwangwiro kumene kumawala, kukawalitsa njira ya munthu aliyense yemwe abwera mdziko,” Ambuye Yesu Khristu. Osati nthano yotchedwa Santa Claus, osati mpingo wina mwa chipembedzo; koma Kuwala kowona ndi kwangwiropo kuja, Yesu Khristu, Mwana wa Mulungu wamoyo.

Tiyeni ife tipemphere.

⁹⁸ Ndi mitu yoweramitsidwira ku fumbi komwe Mulungu anakutenganiko inu; tsiku lina, motsimikiza monga momwe nyenyezi zimawala usiku, ndipo dzuwa limawala masana, inu mukubwerera ku fumbi limenelo. Ngati inu muli pano, mu usiku wa Khrisimasi iyi, ndipo inu mukufuna kukhala ndi Mzimu Woyerwa kuti uzikutsogolerani inu kwa Mpulumutsi, ndi kumulandira Iye mwanjira yotere, kodi inu mungangokweza dzanja lanu kwa Iye ndi kuti, “Mulungu, ndichitireni ine chifundo. Walirani panjira yanga pamene ine ndikuyenda tsiku ndi tsiku. Ndipo munditsogolere ine, potsiriza, ku Kuwala kwangwiropo kuja, koteru kuti moyo wanga ukhoze kulumikizana

ndi Wake ndipo ine ndidzakhala ndi, Kuwala kwachisavundi Kwamuyaya.”

⁹⁹ Ambuye akudalitseni inu, mlongo wanga wokondedwa; ndi inu, mlongo wanga; inu, m'bale wanga; inu kumbuyo uko, m'bale; ndi inu, mlongo; ndi inu, m'bale wanga. Mulungu akuwona manja anuwo. Oh, inu mlongo, Ambuye akukuwonani inu. Inde, cha apa, dona, Ambuye akukuwonani inu, ndithudi.

¹⁰⁰ “O Yesu, tumizani Mzimu Woyeria mmawa uno, utsogolere moyo wanga wosauka wosoheretsedwa. Ine ndathamanga ndi kujowina mpingo umodzi; ine ndinali Mkatolika, ndipo kenako ndinali wa Baptisti, ndipo kenako ndinali wa Presbateria. Ine ndinapita kwa a Pentekoste. Ine ndangopita konsekonsé. Ndipo ine ndinafika podzapeza kuti, Ambuye, ine—ine ndimangodabwa; ine sindikudziwa pamene ine ndikuima. Koma mulole Thupi lakumwamba ilo, mulole Chinthu chakumwamba icho cha Nyenyezi ya Mmawa, Mzimu wawukulu wa Mulungu, nditsogolereni ine lero kupita ku malo amenewo mwa Iye kumene ine ndikufuna ndikakhaleko, kumene ine ndingakhoze kukadyetserako mtima wanga ndi kumugoneka Ameneyo; kuti Iye akakhaze kunditsogolera ine kudutsa mithunzi yonse, mzigwa za mthunzi wa imfa, kuti ine ndisadzakhale ndi mantha pamene ine ndidzafika panjira imenyeo.”

¹⁰¹ Kodi pangakhale wina basi tisanatseke? Mulungu akudalitseni inu, bwana; ndi inu, bwana; ndi inu, bwana. Inde, imeneyo inali nthawi yopambana ya amuna, bwana. Ena makamaka anali akazi; nthawi iyi amuna anakweza manja awo. Ndithudi, anali amuna anzeru amene anabwera, kudzafufuza, kutsatira Kuwala. Mulungu akukufunani inu. Wamng'ono Mar-...

¹⁰² Mariya wamng'ono ndi Yosefe analowa mu mzindawo, ndipo kumeneko Yesu anakabadwirako. Pa nthawi yomwe amagi anafika, iwo anali akubwera kwa nthawi yayitali, koma potsiriza iwo anali atafika pachimake chachikulu, Nyenyezi inali itawatsogolera iwo. Tsopano inu mwakhala mukufuna kuti mukhale Mkhristu kwa nthawi yayitali, mwinamwake inu mwatenga ulendo wautali. Ichi ndi chimake mmawa uno, mwinamwake, pakali pano inu mumulandira Iye mu mtima mwanu. Mmodzi winanso, ife tisanatseke kuitanira kuguwa uku? Ambuye akudalitseni inu. Zabwino kwambiri. Zikomo inu.

¹⁰³ Ndipo tsopano ndi angati anganene mkatı muno, “O Ambuye, monga ine ndauzidwa ndi Malemba, omwe sangalephere, kuti mu mure uyu amene anaperekedwa kwa Inu, woimiridwa mmenemo, kutsanula kwa moyo Wanu. ‘Inu munavulazidwa chifukwa cha zolakwa zathu, ndi mikwingwirima Yanu ife tinachiritsidwa.’ Inu munavutika ndi kukwapulidwa kowawa pa malo okwapulira, kuti

mikwingwirima Yanu idzakhoze kutichiza ife. Ine ndikusowa mphamvu Yanu yochiritsa, lero, Ambuye. Mungandichotsere mmoyo wanga zokayikira zonse? Zichotseni izo kwa ine, kuti ine ndisadzakaikirenso konse. Ndipo mundirole ine ndibwere modzichepetsa kwa Inu, pakali pano, ndi kukukhulupirirani Inu kwa machiritso anga.”

¹⁰⁴ Kodi inu mungakweze dzanja lanu, kuti, inu anthu odwala? Ambuye akupatseni inu chopempha chanu, mzanga wokondedwa.

¹⁰⁵ Kodi inu mungamukaikire Iye? Ndithudi ayi. Iye akuyima lero ngati Mwana wa Chiwukitsiro kapena...ngati—Mwana wa Khrisimasi, Mwana wa Mulungu, Mmodzi wokwanira mu zonseyo. Iye amakumana ndi chofunikira chirichonse. Iye amakumana ndi chosowa chirichonse chimene inu mukuchisowa. Mungomulandira Iye. Kodi ife tinawuzidwa kuti tizichita chiyani mu Baibulo? “Kuyika manja pa odwala ndipo iwo adzachiritsidwa.”

¹⁰⁶ Tsopano, Atate Akumwamba, ine ndikubweretsa kwa Inu kagulu kakang'ono ka anthu aka amene Inu mwawatumiza mmawa uno kudzamva Uthenga wa Nyenyezi. Momwe Inu mumachitira ndi munthu wa mayendedewe onse a moyo! Inu mumachita ndi munthu wogulitsa mowa. Inu mumachita ndi chidakhwa. Inu mumachita ndi wasayansi. Inu mumachita ndi mayi wapanyumba. Inu mumachita ndi mtumiki. Inu mumachita ndi membala wa mpingo. Inu ndinu Mulungu. Inu ndinu wamkulu kwambiri mwakuti palibe amene angakuthaweni Inu. Ndipo iwo amene ali odziperekwa mu mtima wawo, Inu muwonetse chifundo kwa iwo amafuko onse ndi zikhulupiriro zonse.

¹⁰⁷ Chotero ife tikukuthokozani Inu mmawa uno chifukwa cha iwo amene anakweza manja awo, ena twentye kapena sarte, ine ndikhoza kungoganizira. Ndipo ine ndikupemphera, Mulungu, kuti mphindi yomwe ino, tsopano lino, kuti Kuwala kwakukulu Kwamuyaya ndi kopanda chivundi kufalikire pa miyoyo yawo, kuti iwo akapeze mtendere umenewo wa mmalingaliro umene akhala akuwyembekezera ndi kuwufunafuna, pojowina mipinga ndi—ndi kumadutsa mmipingu inayake. Koma mulole Mzimu Woyeru uwalire pa iwo.

¹⁰⁸ Monga Yesaya ananena, “Anthu awa akukhala mumdima wokhuzika, koma Kuwala kwakukuru kwawalira pa iwo.” Perekani, Ambuye, kuti pamene po uneneri uwu ukakhoze kukwaniritsidwa lero mmitima iyi amene akukuyembekezerani Inu. Perekani kwa iwo mtendere umenewo umene umadutsa kumvetsa konse, ndi kuwapatsa iwo kukhutitsidwa kwangwiro kuti iwo akomana nanu Inu ndipo ayankhula ndi Inu, ndipo aperekwa kwa Inu miyoyo yawo, osweka onse ndi ong’ambika; kuti Inu, ndi golide Wanu, lubano ndi mure, mukhoze kuwachiza

iwo ndi kuwapanga iwo kukhala anthu, zida zolemekezeka kwa ulemelero Wanu Womwe. Perekani izi, Ambuye.

¹⁰⁹ Ndipo tsopano kwa odwala ndi osautsika, pali dongosolo limene Inu mwatipatsa ife, kuti ife tizipemphera ndi kuika manja pa iwo. Ndipo Inu munati, mawu otsiriza amene anagwa kuchokera pa milomo Yanu yofunika, “Pitani inu ku dziko lonse ndipo kalalikireni Uthenga. Zizindikiro izi zidzawatsatira iwo amene akhulupirira; ndipo ngati iwo adzayika manja awo pa odwala, iwo adzachiritsidwa.”

¹¹⁰ Ife tikudziwa za mmodzi, mtsikana wamng’ono wokondedwa wagona apa, amene wawulutsidwa ndi okondedwa okhulupirika kuchokera ku Florida, ndipo iye ali pa siteji yovuta kwambiri pakali pano. Pamene, ambiri a antchito Anu apemphera. Ndipo—ndipo madokotala ambiri ayang’anapo ndipo iwo agwedeza mitu yawo, ndipo anati, “Sipangakhalenso china chirichonse.” Koma ndine wokondwa kuti mayi wamng’onoyo, ndi iwo amene akukhudzidwa, sakulolera kuti atenge izo ngati yankho. Iwo ndi atsimikiza kuti awuwone mwala uliwonse utagudubuzika. Ngati iwo atangopeza kukonderedwa ndi Mulungu wamoyo, wokondedwa wawo wamng’ono apangidwa kukhala bwino, ndipo iye akhala moyo. Oh, perekani ichi, Ambuye, limodzi ndi ena amene ali muno.

¹¹¹ Ambiri akhala muno mmawa uno, amene akhoza kuimirira ndi kupereka umboni monga amagi anachitira, “Ife taiwona nyenyezi Yake kummawa.” Ambiri akhoza kudzuka ndi kunena kuti, “Ife talawapo za ubwino Wake, ndipo tamverera mphamvu Yake yamachiritso,” amene achotsedwa ku matupi awo, khansa, ndi maso akhungu, ndi miyendo yolumala, ndi mitundu yonse ya matenda. Ndipo ife tikufula matamando Ake, pamwamba pa liwu lathu, kudutsa mafuko, Ambuye.

¹¹² Aloleni awa, mmawa uno, ana Anu omwe ali pano lero tsopano, akhalenso chimodzimodzi ogawana nawo madalitso Ake. Pamene ife tikuchita ntchito zathu monga atumiki, kupemphera ndi kuyika manja pa iwo, perekani, Ambuye, kuti iwo achiritsidwe mu Dzina la Mwana Wanu, Ambuye Yesu, Yemwe anati, “Apempheni Atate chirichonse mu Dzina Langa, Ine ndidzachichita icho.” Ife tingakayikire bwanji izo, ngati Mulungu ananenzo izo? Moona basi monga mauneneri aja a Danieli anayenera kuti akwaniritsidwe, mowona monga momwe Mulungu akanali moyo, Mawu aliwonse ayenera kukwaniritsidwa. Ndipo ine ndikupemphera kuti Inu mupereke izo kwa ulemelero Wake. Ameni.

¹¹³ Ndi mwa chikhulupiro changa chodzichepeta kwambiri, ndi kuwona mtima ndi kukhulupirika kwa mtima wanga, kuti ngati amuna ndi akazi tsopano pano amene munakweza dzanja lanu kuti mumulandire Ambuye Yesu ngati Mpulumutsi wanuwanu...Ine ndikudziwa ndi chizolowezi kuwabweretsa

anthu ku guwa. Izo zonse nzabwino. Ine ndiribe kanthu kotsutsa izo. Koma kubwera ku guwa, inu mukhoza kungochita chinthu chimodzi chokha, icho ndicho, kumuuzza Mulungu kuti ndinu othokoza kuti Iye anakupulumsansi inu. Pakuti, miniti yomwe inu mutanthauza chimene inu mukunena, pamene inu mukweza manja anu, Mulungu amakulandirani inu pa umboni wanu apo pomwe. Inu munatsutsa malamulo a mphamvu yokokera pansi, ndipo chimodzimodzi basi monga Nyenyezi ija inanyozera malamulo a zowalitsa mmwamba.

¹¹⁴ Zowalitsa mmwamba zimasuntha molingana ndi njira yake. Umo ndi momwe izo zimayenera kusunthira. Koma Nyenyezi iyi inanyoza izo, inadutsa pamwamba pa zonsezoo, chifukwa Mulungu ndi amene anali kuchita kutsogolerako.

¹¹⁵ Lero dongosolo lozolowereka limanena kuti ambiri a inu pano muyenera kufa. Adokotala achita zonse zomwe iwo akanakhoza kuchita. Uko nkulondola. Koma Mzimu wa Mulungu wamoyo umatsutsa zimenezo, anati, “Ine ndidzakupyoletsani inu.” Musatero, mwina zikhoza kusachitika mu mphindi. Iwo anapirira, pomuwona Iye wosawonekayo. Abrahamu anapatsidwa lonjezo, ndipo anadikirira zaka twenty-faivi izo zisanachitike, koma iye anayenda mopitirira ndipo anachitcha chirichonse chimene chinali chotsutsana ndi lonjezo ngati kuti panalibepo.

¹¹⁶ Ine sindikanayima pano pa usiku wa Khrisimasi uwu ndi kunena zinthu izi pamaso pa gulu laling’ono ili la anthu ngati ndikanakhala kuti sindikudziwa pa zomwe ime ndikuyankhulapo.

¹¹⁷ Dzulo, mkaziyo akhoza kukhala kuti alipo, dzina lake ndi Akazi a Wright. Kodi inu muli pano, ochokera ku New Albany, Akazi a Wright? Ambiri a inu mukhoza kuwadziwa iwo. Iye ndi, ine ndikukhulupirira, mkazi wodziwiwa bwino mu New Albany. Msonkhano wotsiriza wa machiritso kuno, pamene... Ine sindimadziwa; izo zinali pansi pa kuzindikira za mumtimi. [Malo opanda kanthu pa tepi—Mkonzi].

¹¹⁸ Lamlungu lotsatira usiku, Ambuye akalola, ife tikhoza kudzayesera kuzindikira zamumtima. Ife sitingakhoze kudzazibweretsa izo Lamlungu mmawa, bwino, chifukwa inu munawona Lamlungu latha mmawa, ngati sabata, zomwe zinachitika. Mwaona, anthu samabwera muno mu nthawi kuti afole, ndi zina zotero, mmawa, chifukwa inu mumakhala ndi mbale zanu zoti mutsuke, ndi zina zotero. Koma, Lamlungu usiku, ife tidzayesera izo mwinamwake Lamlungu likudzali usiku, Ambuye akalola.

¹¹⁹ Pamene kuzindikira zamumtima kunali kuchitika, chochitika chimodzi chokha chimene ine ndikufuna kuti ndichitchule, ndikangomaliza kukuuzani inu za Akazi a Wright.

¹²⁰ Iwo amalephera kuti afike kuno. Madokotala aku New Albany, ine ndikhoza kuwatchula mayina awo, koma izo zikhoza kusakhala zanzeru kuchita motero, chifukwa nthawi zambiri iwo samafuna kutero, kuti iwe uchite zimenezo. Ife timayesetsa kukhala mwamtendere ndi anthu onse mmene tingathere.

¹²¹ Ndipo ife timawakonda madokotala athu. Madokotala, mwinamwake, akhala pano mmawa uno. Ine ndiri nawo azimzanga ambiri dokotala, amuna abwino, amuna Achikhristu amene amakhulupirira Mulungu. Iwo si ochiritsa; iwo ndi anthu basi. Ndipo zimene iwo angakhoze kuchita, mwathupi, iwo angakhoze kuchita izo. Iwo amangothandizira chirengedwe. Iwo samati...Iwo amaika fupa; kuchotsa chotchinga, chinachake chonga icho. Koma Mulungu amayenera kulenga makhungu. Mulungu ndi Mmodzi yekhayo amene angathe kuchiritsa, kapena—kapena kumanga minyewa; palibe mankhwala amene angachite zimenezo.

¹²² Tsopano, mkazi uyu anali ndi zotupa za magazi zitagona pa mtima wake. Iye anali mu sikisite zake. Iye anali atatupa moyipa kwambiri mpaka iye analinso wamkulu monga iye analiri mwawamba. Ndipo iwo anayimba pa foni, ndipo mkazi wanga ananditengera ine ku foniyo, ndipo anati, “Billy, iwo... mkazi akufuna kuyankhula ndi iwe, mu New Albany.”

¹²³ Ine ndinati, “Chabwino, mlongo, bwerani, mmawa uno. Ife tidzakhala ndi msonkhano wa machiritso ku kachisi.”

¹²⁴ Iye anati, “M’bale wanga wokondedwa,” iye anati, “Ine ndikanakonda ndikanamubweretsa iye, koma iye sangakwanitse kuti asunthe nkomwe.” Ndipo anati, “Iye akufa pakali pano.” Ndipo anati, “Palibe chiyembekezo kwa iye.” Ndipo anati, “Ife tamva za zinthu zazikulu zimene Mulungu wachita ndi mapemphero anu. Kodi inu simungamupempherere iye? Kodi inu mubwera?”

¹²⁵ Ine ndinati, “Ine sindingakwanitse kubwera. Koma kodi inu mungakhoze kuyika foni ku khutu lake?”

¹²⁶ Iye anati, “Ine ndikukhulupirira ine ndikhoza kusunthira bedi lake chakuno.” Ndipo iye anasunthira bedilo, ndipo anamtenga mkaziyo; samatha nkomwe kuti ayankhule.

¹²⁷ Ine ndinati, “Ngati inu mungakhulupirire!” Chikhulupiriro ndi thunthu la zinthu zoyembekezeredwa. Osati zomwe inu mukungolingalira; koma zomwe inu mukudziwa kwenikweni. Chikhulupiriro ndicho... .

¹²⁸ Ine ndinanena Lamlungu lina, “Ngati ine ndinali kufa ndi njala, ndipo ine ndinapempha...” Mtanda umodzi wa buledi ukhoza kupulumutsa moyo wanga, ndipo inu nkundipatsa ine masenti twente-faivi; ine ndikhoza kusangalala chimodzimodzi basi ngati kuti ndiri nayo bulediyo, chifukwa pali buledi wambiri.

¹²⁹ Ndipo pali mphamu yochuluka yochiza. “Ngati inu mungakhoze kukhulupirira,” ndiwo masenti twente-faivi; ine ndikhoza kusangalala. Chifukwa, mwinamwake bulediyo ali mailosi teni kuchokera kwa ine, koma, pamene ine ndiri nawo masenti twente-faivi, chikhulupiro ndicho thunthu la zinthu zoyembekezeredwa. Ndine wokondwa basi ndi masenti twente-faivi ngati kuti ine ndikudya beludiyo, ngakhale ndiri ndi ulendo wautali apobe; kudzera mu zigombolera, ndi kuwoloka makhwawa, ndi kuwolokera pa zipika, ndi kutsika kudutsa mnjira ya minga, ndi pamwamba pa phirilo. Ine ndikhoza kumamverera wanjala nthawi zonse, mpaka kuti akatumba nkumakokana; ine ndiri ndi njala kwambiri. Koma ndidzakhala wosangalala nthawi zonse, chifukwa ndagwirizira masenti twente-faivi, mtengo wa mtanda wa buledi, ziribe kanthu kuti zinthu ziri motani.

¹³⁰ Abrahamu anakondwerera kwa zaka twente-faivi, akugwirizira chikhulupiro mu mtima wake kuti Mulungu anali wokhoza kuchita chimene Iye analonjeza. Ndipo iye analandira chimene iye ankachipempha.

¹³¹ Bwenzi wokondedwa apo, mlongo. Ziribe kanthu momwe zinthu ziliri, tengani masenti twente-faivi amenewo, chikhulupiro chimenecho, c-h-i-k-h-u-l-u-p-i-r-i-r-o. Chitengeni icho mmanja mwanu, chitengereni icho mu mtima mwanu, ndikuti, “Ziribe kanthu zomwe zingachitike...” Tsopano inu simungathe kudzipangitsa kukhulupirira. Inu muyenera kukhulupirira kwenikweni. “Mwana wanga adzakhala moyo, chifukwa mu mtima mwanga... Mulungu anapanga lonjezo, ndipo ine ndiri nacho chikhulupiro choti ndikhulupire izo.” Ndiyeno china chirichonse chimakhala chotsutsa. Mukuona? Mulungu amachipangitsa icho kusuntha mpaka mu chimenecho—malo amenewo.

¹³² Mkazi uja anandiimbira foni dzulo. Ena a iwo anaiyankha foniyo; iye sakanatha kuigwira iyo. Mkazi wanga anadzapita ku foniyo; iye sakanatha kuigwira iyo. Iye amafuna kuti andiyankhule ine. Iye anati, “M'bale Branham, ine ndikuyamika dzina lanu.”

Ine ndinati, “Dzina langa? Kodi inu mukuchitiranji zimenezo?”

Iye anati, “Oh, ngati inu mukanangondiwona ine!”

Ine ndinati “Ndiye kaziyamikani Mulungu, Iye ndi Mmodzi Yemwe wachita zimenezo.”

¹³³ Iye anati, “Uko madokotalawo akulephera ngakhale kuti apeze chidutswa cha magazi owundana aja. Zathothokapo ndipo zapita. Ndipo ndine wabwinobwino, ndikuyendayenda mu thanzi labwino, thanzi labwino zedi limene ndakhalamo mu zaka zambiri.” Dzina lake ndi Akazi a Wright. Iye ali moyo

tsopano . . . Iwo anandiua ine dzina lake loyamba. Kwinakwake ku New Albany, ine sindikudziwa pakali pano.

¹³⁴ Pansi pa kuzindikira za mumtima, Lamlungu lapitali, linali sabata, nditayima apa, ine ndinati, "Ine sindikufuna aliyense wa anthu a mu kachisi muno. Ine ndikufuna iwo amene si a mu kachisi. Mulole Mzimu Woyeru uyankhule." Koma mwanjiraina, kumbuyo kwinakwake mbali imodzi kapena imzake, kunali mnyamata dzina lake Hickerson, tonse a ife tikumudziwa M'bale Hickerson. Iye ndi chikho chenicheni chowona cha chisomo cha Mulungu. Ndipo iye anaweramira pansi pa anthu ena. Ine sindinamudziwe nkomwe iye. Koma Mzimu Woyeru unali utazikonza izo zonse. Iye anali kuyang'ana kupyolera mu nkono wa mwamuna wina, atakhala kumbuyo uko, ndipo ine sindimadziwa yemwe iye anali.

¹³⁵ Ndipo ine ndinati, "Kamunthu kakang'onoko kakuyang'ana pa ine, kupyolera mu nkono wa bambo uyo. Iye akupempherera za wokondedwa wake, ine ndikukhulupirira, m'bale kapena mlamu wake, kapena chinachake, amene anali kodwalira amisala; mutu utazungulira, ndipo analibe chiyembekezo chakuti iye adzachira nkomwe." Ndipo Ilo linati, "PAKUTI ATERO AMBUYE. Iye adzakhala bwino." Ndipo mnyamata wamng'onoyo anakhulupirira izo, komabe ine sindinadziwe kanthu za izo kwa masiku pambuyo pake.

¹³⁶ Ndipo dzulo iwo anamutulutsa iye ku chipatala cha amisala ku Kentucky, kuti ndi, "munthu wangwiyo, wabwinobwino, munthu wabwino." Ndipo m'bale wathu wamng'ono mlaliki wa Methodisti, M'bale Collins, chikho china cha chisomo cha Mulungu. Iye mwina akhoza kukhala ali muno mmawa uno. Awiri onse a iwo, onse a iwo, akhoza kukhala kuti ali pano. Anabwera kunyumba kwanga usiku watha, ndi M'bale Palmer wochokera ku Georgia, ndipo anali kunena kuti mnyamata uyu anadutsa apo, pa ulendo wake waku Louisville, atatulutsidwa ku chipatala cha amisala. Iye wapulumutsidwa, nayenso, ndipo amapita kumeneko kuti akakonze zolakwa zake zonse zomwe iye anachita; chikho. Chisomo chachisavundi cha Mulungu!

¹³⁷ Iye ali yemweyo dzulo, lero, ndi kwa nthawizone. Musalole kuti mdani azikunamizani inu. Kulipo Kuwala kwachisavundi kukuwala; Kuwala kwachisavundi uko ndi Yesu Khristu, Mwana wa Mulungu. Khulupirirani pa Iye. Chizikeni icho mu mtima mwanu. Chilandireni icho ngati chikhulupiriro.

¹³⁸ Tiyen'i tipemphere ndi kudziwa, kuyika manja pa inu, kukudzozani inu ndi mafuta, penyani chimene Mulungu ati adzachite, ziribe kanthu kuti pali zochitika zanji.

¹³⁹ Yesu ananena, mu Marko 11:24, Iye anati, "Ngati inu mudzanena kwa phiri ili, 'Zulidwa ndipo ukaponyedwe mu nyanja,' ndipo osakayika mu mtima mwanu, koma kukhulupirira

kuti chimene iwe wachinena chidzachitika, iwe udzakhala nacho chimene iwego wanena.”

¹⁴⁰ Tsopano ndiroleni ine ndibwereze zonena za mu lexicon, ndicho Chigriki chapachiyambi. Umu ndi momwe zimawerengekera. “Ngati iwe udzanena kwa phiri ili, ‘Nyamuka ndi kuponyedwera mu nyanja,’ ndipo osakayikira mu mtima wako, koma kukhulupirira kuti zomwe iwe wanena zikwaniritsidwa, iwe ukhoza kukhala nazo zomwe iwe wanena.”

¹⁴¹ Pamene iwe unati, “Phiri, suntha,” ndipo ilo likukhalabe pameneapo, iwe ukuti, “Chabwino, izo sizinachitike”? Oh, izo zinachitika. Pamene iwe unati, “Phiri, suntha,” mwinamwake mwala wawung’ono umodzi wosawoneka wa mchenga unamasuka, pakati pa mazana a mabilionyi ndi mabilionyi a matani. Mwala umodzi wawung’ono unasuntha, koma izo zikuyamba kuchitika. Gwira chikhulupiriro chimenecho ndipo uliwone phiri limenelo likuchokapo. Ndithudi.

¹⁴² Inu mudzanena mumtima wanu, “Nthenda, choka pa mwana wanga. Nthenda, choka pa thupi langa, mu Dzina la Ambuye Yesu,” ndipo musakaikire. Pomwepo majeremusi abwino amatenga chida chatsopano ndi chipangizo chatsopano, ndipo mdaniyo amayamba kubwerera mmbuyo. Iye wagonjetsedwa chifukwa Khristu, mu kumwa kwa mure Wake pa Kalvare, anamugonjetsa mdierekezi ndi imodzi iliyonse ya mphamu zake. Ndipo Iye anamulanda iye chirichonse chimene anali nacho, ndipo iye si kanthu koma chongowopysezera; iye akhoza kumayenda nacho icho, iye akhoza kumachita zimenezo.

¹⁴³ Ife tatsimikiza, mwa chisomo cha Mulungu, kuti tilalikire Uthenga ndi kunyezimiritsa Kuwala Kwake mpaka Iye adzabwere.

¹⁴⁴ Tsopano, Ambuye, zinazo ziri ndi Inu. Ife tsopano tiwayitana anthu awa, ndipo mulole Mzimu Woyera ubwere ku kachisi wamng’ono uyu ndi kudzapanga chikhulupiriro mu mtima uliwonse, pamene iwo akuyimirira ndi kubwera pafupi kuno kuti adzapemphereredwe. Mulole iwo achokepo lero ndipo akachite monga amuna anzeru aja; pamene iwo anaiwona Nyenyezi kachiwiri, patadutsa kanthawi ka mdima, iwo anakondwera ndi chisangalalo chachikulu mopitirira; ndipo mulole anthu awa, pamene iwo akudzozedwa ndi kuperemphereredwa. Yakobo anati, mu Uthenga, “Itanani akulu a mpingo ndipo adzawadzodze iwo ndi mafuta ndi kuwapempherera iwo. Pemphero la chikhulupiriro lidzapulumutsa odwala.” Mulole anthu asangalale ndi chisangalalo chachikulu mopitirira, akudziwa kuti chikhulupiriro cha Mulungu chalowa mu mtima mwawo, ndipo iwo adzalandira chimene iwo achipempha.

¹⁴⁵ Tsopano, Atate, Inu mwachita gawo Lanu. Ine ndachita zonse zomwe ine ndikuzidziwa kachitidwe kake, kupatula

kuyika manja pa anthu ndi kuwadzoza iwo. Tsopano zotsalazo ndi za iwovo. Mulole kuti zisalephere. Mulole gudumu lirilonse la wotchi yachisavundi ya Mulungu ligwire ntchito mwangwiwo mmawa uno, pamene odwala akudzozedwa. Chifukwa cha Yesu Khristu ife tikupempha izi, mu Dzina Lake. Ameni.

Ngati inu mungathe:

Kungo khulupirira, kungo khulupirira,
Zinthu zonse ndi zotheka, kungo . . .

¹⁴⁶ Momwe nyimbo imeneyo imachitira chinachake kwa ine! Mazana a zinenero, ine ndawamvapo achikunja ndi Akafula akuimba imeneyo pamene ndimabwera pa guwa.

¹⁴⁷ Mkazi yemweyu uyu, woyimba limba yemweyo, monga momwe ine ndikudziwira, anandidziwitsa ine nyimboyo, zaka leveni zapitazo, ine ndisanachoke mu utumiki. Paul Rader, bwenzi langa, anailemba iyo.

¹⁴⁸ Yesu, akutsika kuchokera pa phiri, Iye anamuwona mnyamata wakhunyu. Ophunzirawoakanatha kuchita chirichonse ndi izo. Iye anati, “Ambuye, muchitireni chifundo mwana wanga.”

¹⁴⁹ Iye anati, “Ine ndikhoza ngati iwe ukhulupirire, pakuti zinthu zonse ndi zotheka, kungo khulupirira.” Pamene po ndi pamene Paulo anatenga phunziro lake.

. . . Kungo khulupirira;
Kungo . . .

¹⁵⁰ Tsopano muyang’ane kutali ndi matenda anuwo tsopano.

. . . kungo khulupirira,

Kodi simuchita zimenezo?

Zinthu zonse ndi zotheka, kungo . . .

¹⁵¹ Ingokumbukiran, Iye wayima pano. Iye ndi wokondedwa. Iye analonjeza izo. Iye amawalitsa zowunikira Zake; tayang’anani pa ena akuchiritsidwa. Zedidi, inu mukhoza, nanunso. “Ndiyang’aneni ine,” bambo wakhungu wochiritsidwa, mwaona. Tayang’anani pa ena, tangoyang’anani basi momwe, mai, zomwe Ambuye achita!

. . . zotheka,

¹⁵² Ndi angati akukhulupirira kuti pakali pano muli ndi chikhulupiro mu mtima mwanu chonena kuti, “Ine ndikukhulupirira zakhazikika. Ine ndikukhulupirira ndikhoza kumulandira Iye pakali pano. Ine ndikukhulupirira ndikhoza kunena kuti ndikhala bwino. Ziribe kanthu zomwe zingachitike, ine ndikunena kwa phiri ili la matenda, ‘Iwe sunthidwapo ndipo undisye ine, kapena okondedwa anga, kapena chirichonse chomwe chiri.’ Ndipo ine ndikukhulupirira kuti izo zdzachitika”?

¹⁵³ Mupenye chimene chiti chichitike. Matenda amenewo adzayamba kuphwasuka. Iwo adzayamba kusunthapo. Chinthu choyambirira inu mukudziwa, adokotala adzanena kuti, “Chachitika ndi chiyani apa?” Uko nkulondola, ngati inu mungakhulupirire.

¹⁵⁴ Kodi inu mungabwere, M’bale Neville? Tsopano muwalole iwo amene ali mu mzere *uwu* pano, ayimirire ku mbali *iji*. Ndipo inu amene muli mu mzere *uwu*, mupite mozungulira kumanja kumbuyoko ndipo mudzabwere mozungulira, ngati inu mungathe, chotero ife tikhoza kukhala ndi mzere umodzi. Ife tikufuna akulu a mpingo kuti abwere kutsogolo, kuti adzayime nawo anthu, pamene iwo akupemphereredwa.

¹⁵⁵ Tsopano, mtsikana wamng’onoyo, ife titsikira pansi ndipo tikamupempherera mwana wamng’ono uyu wagonna apayu. Ife tidzangbowera pomwepo pamene iye ali.

¹⁵⁶ Ine ndikufuna iwo amene...ena omwe ali oti adzapemphereredwe, apite kumbali iyi tsopano. Ine ndikufuna munthu aliyense muno kuti akhale mu pemphero pakali pano. Inu ndinu gawo loti muchite nawo izi. Othandizira omwe ayima kumeneko azikulondolerani inu mu mzere umene inu mukuyenera kufola pa nthawi ino.

Zinthu zonse ndi zotheka, kungo khulupirira.

Musawope, nkhosa zochepa, kuchokera ku mtanda mpaka ku Mpandowachifumu,
Kuchokera ku imfa kupita ku moyo Iye anapitira Ake Omwe;
Mphamu zonse padzikko, mphamu zonse Kumwamba,
Zaperekedwa kwa Iye chifukwa cha nkhosa za chikondi Chake.

Kodi nyenyezi ya Khrisimasi ikuti chiyani tsopano?

Kungo khulupirira, kungo khulupirira,
Zinthu zonse ndi zotheka, kungo khulupirira;
Kungo khulupirira, kungo khulupirira,
Zinthu zonse ndi zotheka, kungo khulupiririra.

¹⁵⁷ Abwenzi anga okondedwa, alipo ochuluka pano akukupemphererani inu tsopano; amuna abwino ndi akazi abwino, oyera, akazi aumulungu ndi amuna.

¹⁵⁸ M’bale wanga Neville wayima apa pambali panga, yemwe ine ndamudziwa kwa zaka kuti ndi munthu waumulungu. Anthu amene amabwera kuno kuchokera kunja kwa tawuni, iwo anandiyimbira ine foni, anati, “Munthu wamng’ono uja mndani, ndi m’busa wanu? Ndipatseni ine adiresi yake; ine ndikufuna kumulembera iye. Iye amawoneka ngati munthu wowona mtima kwambiri.” Ndine wokondwa kuti ndikhoza kunena kuti, “Ndipo mmodzi wa anthu aumulungu kwambiri yemwe ine

ndikumudziwa.” Iye amakhala moyo chimene amachilalikira ndi chimene amachiyankhula. Iye ali ndi kabotolo ka mafuta odzozera mdzanja lake.

Mulungu ali ndi mphamvu mdzanja Lake.

¹⁵⁹ Kodi inu muli nacho chikhulupiriro mu mtima mwanu? Ngati muli nacho, izo ziyenera kuchitika. Kunja kuno, apa pali atumiki, anthu aumulungu akhala pano akhala akukupemphererani inu. Chinachake chiyenera kuchitika tsopano.

¹⁶⁰ Chinachake chakufikitsani inu mpaka apa; iyo inali Nyenyezi, tsopano, Nyenyezi, Nyenyezi ya Mmawa. Tsopano landirani Kuwala kwachisavundi, Kwamuyaya. Monga inu, ife timatsatira chizolowezi ichi, monga kukubatizani inu, kapena chirichonse, mwaona. “Kuwadzoza odwala mmafuta, kuwapempherera iwo; pemphero la chikhulupiriro lidzapulumutsa odwala.”

¹⁶¹ Yesu anati, mawu otsirizira kwa Mpingo Wake, “Zizindikiro izi zidzawatsatira iwo amene akhulupirira; iwo adzayika manja awo pa odwala, iwo adzachira.” Mwakulankhula kwina, ine ndinganene izi, kuikamo mmawu omwe inu mukuwadziwa, “Kulikonse kumene Uthenga uwu udzalalikidwe, padziko lonse lapansi, Antchito Anga adzaika manja pa odwala, iwo adzachira.” Kulondola. Mukuona?

¹⁶² Tsopano pali chinthu chimodzi chokha choti chitsutse zimenezo, ndicho, kusakhulupirira. Inu mukuwona, izo sизимахала... ngakhale ngati—ngati m'bale ndi ine tinali... sitinali oyenera nkomwe kuti tingalalikire Uthenga; chimene, ife sitiri, kokha mwa chisomo Chake. Koma, ziribe kanthu chimene ife tikanakhala, ndi Mawu Ake. Iye, Iye sakusowa kuti azichita kukhala ndi ife, koma Iye ayenera kukhala mwa Mawu Ake, “Ngati inu mungakhulupirire.”

¹⁶³ Tsopano ndi angati kunja uko mwa omvetsera amene ati azipempherera anthu awa? Kwezani mmwamba manja anu. Ine ndikufuna anthu inu muziyang'ana kunja uko. Ndiko kumene mapemphero akuchitika, kumapita Kumwamba kwa inu tsopano. Tsopano mutu uliwonse uweramitsidwe ndipo aliyense akupemphera, pamene m'bale akudzoza.

¹⁶⁴ Miniti yokha tsopano, ife tikhala ndi pemphero la osonkhana ili chifukwa cha awa pano.

¹⁶⁵ Ambuye wachifundo, ife tikupita patsogolo tsopano monga antchito Anu, kuti tikachite ntchito ya atumiki. Muli ambiri muno, Ambuye, mu mzere, omwe ali kwambiri, odwalika kwambiri, mopanda kukayikira. Ena a iwo ali pafupi kufa. Ndipo ena a iwo akadali pamipando yawo. Mwachitsanzo, mtsikana wamng'ono amene wachokera ku Florida. Alipo ena pano ochokera ku Georgia ndi ochokera ku malo osiyanasiyana, kuchokera ku Indianapolis, ena ochokera

uko ku Ohio, asonkhana mu gulu laling'ono ili mmawa uno, akhala akuyembekezera kuno mu mahotelu ndi chirichonse, kuyembekezera ora loti apemphereredwe. Iwo akhala ali mmisonkhano. Iwo aliwonapo dzanja Lanu likuyenda ndi kumagwira ntchito. Ndipo pomwe pano tsopano... Ambuye, chotsani nthano za Santa Claus ndipo mubweretse kwa iwo mphatso yeniyeni ya Khrismasi. Apatseni iwo thanzi labwino pakali pano, Ambuye, chifukwa iwo abwera akukhulupirira.

¹⁶⁶ Ndipo ife tikubwera, titayima pakati pawo ndi Ambuye Mulungu wa Kumwamba, kudzapembedzera iwo, kudzapemphera ndi kudzapereka zoyankhula za mawu athu omwe, mmalo mwawo. Musalole mmodzi wa iwo, Ambuye, alephere kuhala nacho chikhulupiriro.

¹⁶⁷ Ife tikudziwa kuti Mawu amanena izo. Ife tikudziwa kuti ife timazikhulupirira izo. Tsopano, Ambuye, mulole iwo akhulupire izo ndipo alandira zomwe iwo apempha. Ife tikupita patsogolo tsopano monga akazembe a Khristu, ndi thupi lonse ili la mpingo, kupemphera mu mtima umodzi kwa machiritsi awo. Mulole zikhale chomwecho. Ndipo pamene iwo azichoka, mulole iwo apite ndi chisangalalo chachikulu chifukwa cha—M'bandakucha wadza pa ife. Kuwala kwa kusefukira kwa Kumwamba kwatembenuza njira yathu, ndipo ife tikuwona Ambuye Yesu wowukitsidwayo mu Mphamvu Yake ndi Ulemelero. Ameni.

¹⁶⁸ Pamene iye akudzozedwa, mu Dzina la Ambuye Yesu, ife tikuyika manja pa iye, ndi kupempha kuti matenda ake achiritsidwe ndi dzanja la Mulungu Wamphamvuzonse, mu Dzina la Yesu. Ameni.

¹⁶⁹ Mulungu akudalitseni. Pitani ndipo mukalandire iwo, mu Dzina la Ambuye Yesu.

¹⁷⁰ Pokhala atadzozedwa, mu Dzina la Ambuye Yesu, ife tikupempha kuti chokhumba cha mtima wake chiperekedwe, mu Dzina la Ambuye Yesu. Ameni.

¹⁷¹ Pokhala wadzozedwa ndi mafuta, ife tikuyika manja pa m'bale wathu, mu Dzina... .



KUWALA KWAKUKURU CHA57-1222
(The Great Shining Light)

Uthenga uwu wa M'bale William Marrion Branham, woperekedwa mu Chingerezi Lamlungu mmawa, Disembala 22, 1957, ku Branham Tabernacle mu Jeffersonville, Indiana, U.S.A., unatengedwa kuchokera pa matepi ojambulidwa ndi maginito nudindidwa mosachotsera mawu ena mu Chingerezi. Kumasulira kwa Chichewa uku kunadindidwa ndi kugawidwa ndi Voice Of God Recordings.

CHICHEWA

©2023 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chidziwitso kwa ofuna kusindikiza

Mafulu onse ndi osungidwa. Bukhu ili mukhoza ku printa kunyumba kwanu ngati mutafuna kuti mugwiritse ntchito inuyo kapena kuti mukawapatse ena, ulere, ngati chida chofalitsira Uthenga wa Yesu Khristu. Bukhu ili simungathe kuligulitsa, kulichulukitsa kuti akhalepo ambiri, kuikidwa pa intaneti, kukaliika pakuti ena azitengapo, kumasuliridwa mu zinenero zina, kapena kugwiritsidwa ntchito ngati njira yopezera ndalama popanda chilolezo chochita kulembedwa ndi a Voice Of God Recordings®.

Ngati mukufuna kuti mumve zambiri kapena ngati mukufuna zipangizo zina zimene tiri nazo, chonde mulembere ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org